







Спорт

Қазақстан барысы: Тоғызыншы чемпион



ЖЕКСЕНБІДЕ АСТАНА КҮНІНЕ ОРАЙЛАСТЫРЫЛҒАН ҚАЗАҚ КҮРЕСІНЕН «ҚАЗАҚСТАН БАРЫСЫ – 2023» РЕСПУБЛИКАЛЫҚ ТУРНИРИНІҢ ЖЕҢІМПАЗЫ АНЫҚТАЛДЫ. ЕЛДІҢ ӘР АЙМАҒЫНАН ЖАУЫРЫНЫ ЖЕРГЕ ТИМЕГЕН КІЛ МЫҚТЫ ПАЛУАНДАР ЖИНАЛҒАН ДОДАНЫҢ ТАРТЫСТЫ ӨТЕТІНІ СӨЗСІЗ.

Жалпы, қазақ күресінен республикалық турнир 2011 жылдан бері тұрақты негізде ұйымдастырылып келеді. Әр өңірден іріктеу кезеңдерінен өткен екі спортшыдан қатысты, олар абсолютті салмақ дәрежесінде өнер көрсетті. Биыл қатысушылардың жалпы саны – 41 палуан оның ішінде «Әскер Барысы» күш құрылымдары арасындағы турнирдің және өткен жылғы іріктеудің жеңімпаздары да болды.

Үшінші орын үшін белдесу Павлодар облысының палуаны Мұхтар Делелханұлы мен «Әскер Барысы» турнирінің жеңімпазы Марат Байқауұров арасында өтті. Белдесу нәтижесі бойынша Мұхтар Делелханұлы қола белбеу иегері атанды. Иә, турнир өте жағары деңгейде ұйымдастырылған. Барлығы қазақтың үлгіде намысқа толы турнирді бас серіктесі – «Самұрық-Қазына» ҰӘҚ» АҚ болса, сондай-ақ серіктестер қатарында «Sport Oorgu» спортты қолдау қоры және «Сәтті Жұлдыз» АҚ бар.

Еліміз егемендік алғалы дәстүрлі спорттық ойын түрлері жаңаша серпін алды. 1991 жылдан бастап республикалық чемпионаттар мен біріншіліктер жыл сайын өткізілетін болды. Иә, күрестің ұлттық түрі қазақ күресінің даму тарихы қазақ халқының тамыры тереңнен тартылатын тарихымен тұтасып жатыр. Түрлі басқосулар мен түрлі мерекелік тойлар осы спорт сайысынсыз өткен емес. Күші басым түсіп, жеңіске жеткен палуандар халықтың төбесіне тұтар құрметті адамына айналған. Қазақтың ұлы батыры Қажымұқан есімі қазақ халқының тарихына ғана еніп қойған жоқ, сонымен бірге спортшылардың әлемдік элитасының қатарына енді.

Қазақ елі үшін тағы бір қуанышты жаңалық, Қазақ күресі халықаралық олимпиада ойындарының тізіміне енуі мүмкін. Бұл туралы «Қазақстан барысы» қорының ресми өкілі Диас Ахметшәріп айтып берді. – Қазақстан барысы» турнирін халықаралық деңгейге шығару бойынша бүгінге дейін ұлттық спорт түрлерін кеңінен дәріптеп келеміз. Мысалы, жапондықтардың сүмо күресі, татарлардың белдесу күресі, ал бізде қазақ күресі бар. Біздің басты мақсат – қазақ күресін Олимпиада бағдарламасына енгізу. Бүгінде қазақ күресі елімізбен қатар алыс-жақын шетелде танымал «Қазақстан барысынан» бөлек

Құттықтау
ҚҰРМЕТТІ ЕҢБЕК ЖӘНЕ ТЫЛ АРДАГЕРЛЕРІ!
Баршаңызды ел астанасы күнімен құттықтаймын! Бүгінгі таңда Елордамыз – барша ұлт пен ұлыстың басын қосқан бірлік пен достықтың мекеніне айналған, қарыштап дамыған мемлекеттің нышаны, әлеуметтік-экономикалық өсіп-өркендеудің айқын дәлелі.

Салтанатты шара



Киелі домбыра күмбірледі

ДОМБЫРА – ТӘТТІМБЕТТІН КҮЙІМЕН, ҚАЗАНҒАПТЫҢ ҚАҒИДАЛАРЫН БҮГІНГЕ ЖЕТКІЗГЕН, ҚҰРМАНҒАЗЫ МЕН ДИНАНЫҢ САУСАҒЫНАН КҮЙ БОЛЫП ТӨГІЛГЕН, ӘМІРЕНІҢ ӘНІНЕ АРҚАУ БОЛҒАН, АҚЫНДАРЫМЫЗДЫҢ ӨТКІР ТІЛІНЕ ТИЕК БОЛҒАН ҚАСИЕТТІ АСПАП. ШІЛДЕНІҢ БІРІНШІ ЖЕКСЕНБІСІ – ҚАЗАҚ ӨНЕРІНІҢ АЛТЫН ДІНГЕГІ – ҚАСИЕТТІ ҚАРА ДОМБЫРАНЫҢ САЛТАНАТ ҚҰРЫП, РУХЫМЫЗДЫҢ АСҚАҚТАЙ ЖАНҒЫРҒАН КҮНІ. ЖЫЛ САЙЫН АТАЛЫП ӨТЕТІН БҮЛ МЕРЕКЕНІҢ ҰЛТТЫҚ РУХАНИЯТЫМЫЗҒА ҚОСАР ҮЛЕСІ ЗОР.

Аудандық Қонысбек Қазантас атындағы мәдениет үйінде ұлттық домбыра күні мерекесіне орай «Домбыранды ұлықта, ұлы ұлттың баласы» атты мерекелік концерт өтті. Ұлттық сана мен төл өнерді жаңғыртып, дәріптеуге бағытталған мерекелік шара мың бұралған бишілеріміздің киелі аспапты бимен суреттеп ашуынан бастау алды.

Шара барысында аудан өнерпаздарынан құралған бір топ домбырашылар Құрманғазының «Балбырауын» күйін бір мезетте орындаса, жырауларымыз терең тарихты толқындата жырға қосты.

Тауға дейінгі созылған қазақтың ұлан байтақ кең даласы елестейді. Сол кең даланы асқаралы таулар, көлдер, сылдырап аққан өзен-бұлақтар, жусанды дала және қызғалдаққа бөленген алқаптар еріксіз ойға оралады. Олай дейтін себебіміз осы ұлан байтақ жердің иесі де, киесі де – домбыра. Ықылым заманнан бері қазақ ұлтымен біте қайнасып бірге келе жатқан ұлттық аспап – домбыра. Рухы да, жаны да бітім болмысы да, табиғаты да қазақпен бірге. Себебі «Нағыз қазақ – қазақ емес, нағыз қазақ – домбыра» деген Қадыр ағамыздың сөзі бар. Домбыра – қазақ ұлтының қиындықта да сүйеу болған, қуанышта көңілінің жыры болған аспап. Домбырадан төгілген күй жан-дүниені қоздырып, көңілінді көтеріп, сырлы сазы түрлі әуенді сикырға белейді. Домбыраның қымбаттысы да, киелісі де осында. Себебі тіл мен сөз жетпеген жерге күй жетеді. Біз қазақ халқы барлық көкейдегі мұң-зарымызды,

– Ұлттық өнерге баулу мақсатында ашылған үйірме де қазіргі таңда 15 оқушы бар. Домбыра аспабына қызығушылық танытқан, оны үйренуге ынталы 13-16 жас аралығындағы оқушылар. Жалпы үйірменің балаларға берері көп. Үйірме барысында ұлттық аспап – домбыраның құрылысымен танысып, домбыраның нақышына келтіріп орындау мен ұлттық дәстүр және салт-сана тағылымын жас жеткіншек бойына сіңіру бағытында жұмыс жасаймыз, – деді жетекшісі Бахтияр Есжанов. Ұлт өнеріне деген қызығушылығы жоғары оқушылар «Халық» күйлерің, «Келіңшек», «Секіртпе», «Ерке сұлқым», Құрманғазының күйі «Балбырауын», сынды бірқатар күйлерді меңгеріп үлгерген. Жетістіктері де жоқ емес. Үйірме қатысушысы Нұрайым Жауланқызы облыстық «Бозторғай» байқауынан жүлделі III орын иеленген. Сондай-ақ ұлттық құндылықтарды насихаттау және өскелең ұрпақты тәрбиелеу мақсатында «Ифрат» жыр-терме үйірмесі де жас жеткіншектер үшін жұмыс жасайды.



Қазақтың айтыс өнеріне қарымды олжа салып, халықтың ықыласына бөленіп жүрген жерлесіміз Мұхтар Ниязов жыр додасында Сырдың намысын қорғап келеді. Ол – бүгінде Сыр бойындағы ұлттық өнеріміз айтысты, суырыпсалма ақындық дәстүрді жалғастыру, айтысқа жастарды да баулып келеді. 2011 жылы облыстық «Тілім – тірегім, Астанам – жүрегім» атты ақындар айтысының I орын иегері атанды. 2012 жылы Қазалы ауданында өткен Ф.Мұратбаевтың 110 жылдығына орай «Жалындал өткен жас ғұмыр» атты республикалық ақындар айтысынан бас бөйгені жеңіп алса, сол жылы «Алтын домбыра» иегері атанды. Ал 2015 жылы Қызылорда қаласында өткен Қазақ хандығының 550 жылдығына орай ұйымдастырылған республикалық айтыстың бас жүлде иегері атанған болатын.

2016 жылы ел тәуелсіздігінің 25 жылдығына орай Алматы қаласында өткен «Алтын домбыра» аламан-айтысында бас жүлде иеленіп, алтын домбыраны екінші мәрте жеңіп алды. Айтыс ақтангері одан кейін де «Алтын домбыра» айтысында қарсылас шақ келтірмеген еді. Қазіргі айтыс өнерінің көш басында келе жатқан Мұхтар Ақырғали өлі де алар асуы биік екеніне күмән жоқ.

Бұл Мұхтар Ниязовтың Қырғызстанда өткен халықаралық айтыста бірінші рет топ жаруы емес. Яғни былтыр да дәл осындай уақытта қырғыз жеріндегі жыр аламынан бас жүлдемен оралған болатын. Иә, қазақ пен қырғызға ортақ ақын болды деген осы. Мұхтар Ниязов Қызылорда облысы Жалағаш ауданында 1985 жылдың 4 қарашасында дүниеге келген. Алғашқыда жазба ақын ретінде қалам тартқан ол айтыс өнерін аудандық оқушылар айтысына қатысудан бастады. Мұхтар – облыстық ақындар айтысы мен жазба ақындар мұшәрасының жүлдегері. Ол елімізде «Алтын домбыра» байқауының үш дүркін иегері. Сондай-ақ, көптеген айтыста жеңімпаз болса, бірқатарында жүлдегерлер қатарынан көрінді.

Меншік иесі: СЫР МЕДИА жауапкершілігі шектеулі серіктестігі

Бас директор Аманжол ОҢҒАРБАЕВ Жалағаш аудандық «Жалағаш жаршысы» газетінің редакциясы Бас редактор Кенжетай ҚАЙРАҚБАЕВ

Телефондар: Бас директор - 8(7242) 70-00-36 Бас редактор - 32-0-41 Бас редактордың орынбасары, жауапты хатшы, бөлімдер - 31-5-75

Газет Қазақстан Республикасы Ақпарат және коммуникациялар министрінің Ақпарат комитетінде 16 сәуір 2019 жылы қайта тіркелініп, №17662-Г куәлігі берілген. «Жалағаш жаршысы» аудандық газеті ҚР СТ ISO 9001:2016 (ISO 9001:2015) «Сапа менеджменті жүйелері» талаптарына сәйкес KZ.4310318.07.03.01178 нөмірімен сертификатталған. Газет әр аптаның сейсенбі, сенбі күндері шығады. Қолжазбалар өңделеді және кері қайтарылмайды. Жеке авторлардың пікірі редакцияның түпкілікті көзқарасын білдірмейді. Жарнама мазмұнына жарнама беруші жауапты.

Газет редакцияның компьютер орталығында теріліп, беттерін «ASU» баспа үйі» ЖШС сәнімгерлік басқаруындағы «Сыр медиа» ЖШС баспаханасында басылды. Тел.: 8(7242) 40-06-68. Газеттің таралымы бойынша 31-5-75 нөмісес 8 (7242) 70-14-08 телефон нөміріне хабарласуға болады. Таралымы 2840 Тапсырыс № 1047